

**Ministarstvo za odgoj i obrazovanje
Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 94. stav (9) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), ministrica za odgoj i obrazovanje Kantona Sarajevo donosi

**PRAVILNIK
O IZMJENI PRAVILNIKA O IZRICANJU ODGOJNO-
DISCIPLINSKIH MJERA U OSNOVNIM I SREDNJIM
ŠKOLAMA**

Član 1.

(Izmjena člana 11.)

U Pravilniku o izricanju odgojno-disciplinskih mjera u osnovnim i srednjim školama ("Službene novine Kantona Sarajevo", broj 33/24) član 11. mijenja se i glasi:

"Član 11.

(Utvrđivanje učeničke odgovornosti prilikom povrede učeničke dužnosti)

- Ukoliko učenik učini povredu učeničke dužnosti iz Zakona i pravila škole, a za koju je prije izricanja odgojno-disciplinske mjere za učenika potrebno utvrditi adekvatne činjenice o događaju, te izraditi IPP ili IPB za jednog ili više učenika, psiholog ili pedagog škole obavljaju razgovor s učenicom ili učenicima, individualno i/ili grupno, prema procjeni stručne službe škole.
- Postupci razgovora, razmjene informacija i utvrđivanja određenih okolnosti u smislu ovog pravilnika provode se isključivo u svrhe osiguranja adekvatne odgojno-obrazovne podrške učenicima, ali i izricanja odgojno-disciplinskih mjera učenicima po principu pravičnosti i utvrđenih činjenica, dobrih pedagoško-psiholoških praksi i u skladu sa zakonom.
- Sadržaj svih učeničkih izvjava bilježi pedagog ili psiholog koji obavlja razgovor s učenicom i isti postaje službena zabilješka koja se s datumom o obavljenom razgovoru s učenicom i potpisom pedagoga ili psihologa čuva kao dio službene dokumentacije stručnog saradnika, a ista se na zahtjev može dostaviti nadležnim tijelima.
- Stručni saradnik koji vodi razgovor s učenicom u službenu zabilješku bilježi sve pojedinosti o događaju koje mogu pomoći prilikom utvrđivanja činjenica za konkretni događaj kao i prikupljanja informacija (kako, zašto, ko, kada i gdje se događaj dogodio i na koji način su učenici učestvovali u istom).
- Na početku svake školske godine stručna služba škole na prvom roditeljskom sastanku upoznaje roditelje/staratelje učenika sa procedurom postupanja, a koja je propisana u st. (1), (2), (3) i (4) ovog člana.
- Ako u toku postupka utvrđivanja činjenica, a u vezi s događajem u kojem može biti ugrožen najbolji interes učenika škola dođe do saznanja ili informacija iz kojih se može zaključiti da je ugrožen interes učenika od strane trećih lica sa ili bez obilježja krivičnog djela, škola je dužna postupati u skladu s Pravilnikom o vođenju evidencije o neprihvatljivim oblicima ponašanja i /ili drugim faktorima koji mogu ugroziti najbolji interes učenika i zaštititi učenika. Pravilnikom o provođenju mjera

odgojno-obrazovne podrške i stručnog tretmana učenika i drugim propisima.

Član 2.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-07-02-34-53335-3/24

19. decembra 2024. godine
SarajevoMinistrica
Naida Hota-Muminović, s. r.**GRAD SARAJEVO
Gradonačelnik**

Na osnovu člana 10. stav (1) i (2) Odluke o izvršavanju Budžeta Grada Sarajeva za 2024. godinu ("Službene novine Kantona Sarajevo", broj 55/23), gradonačelnik Grada Sarajeva donosi

**ODLUKU
O PRERASPODJELI SREDSTAVA U BUDŽETU GRADA
SARAJEVA ZA 2024. GODINU**

Član 1.

Odobrava se preraspodjela sredstava u Budžetu Grada Sarajeva za 2024. godinu ("Službene novine Kantona Sarajevo", broj 55/23 i 13/24) u ukupnom iznosu od 503.250,00 KM, kako slijedi:

| Posrednik Na ekonomički račun | Ek on.k od. | OPIS | IZVOR I BUDŽETSKA SREDSTVA |
|-------------------------------------|-------------|---|----------------------------------|
| | | | IZNOS |
| 10010001 | 6112 | Isplati za energije | 30.000,00 |
| 10010001 | 6114 | Nabavka materijala i sitnog inventara | 40.000,00 |
| 10010010 | 6139 | Organizacija 4. Samita Mreže balkanskih gradova B40, | 200.000,00 |
| 10010006 | 6212 | Projekat obnovu predškolskih i školskih objekata i infrastrukture - vrtići Koštan | 213.250,00 |
| | | | UKUPNO: |
| | | | 503.250,00 |
| Posrednik Na ekonomički račun | Ek on.k od. | OPIS | IZNOS |
| 10010003 | 6111 | Bruto plaće i naknade plaća | 150.000,00 |
| 10010003 | 6112 | Naknade za topli obrok | 40.000,00 |
| 10010003 | 6112 | Naknade za prijevoz, dnevnice i šteto | 290.000,00 |
| 10010003 | 6112 | Naknade u slučaju smrti i teške invalidnosti | 1.250,00 |
| 10010004 | 6139 | Održavanje, postavljanje, održanje i skladištenje materijala i sitnog inventara (opremljena ukupno) | 6.000,00 |
| 10010007 | 6441 | Uj u namjenu poslovanja Sarajevo | 10.000,00 |
| | | | UKUPNO: |
| | | | 503.250,00 |

Član 2.

Za realizaciju ove odluke zadužuju se Gradska služba za finansije, Gradska služba za lokalno poslovanje, Gradska služba za obrazovanje, sport, kulturu i mlade.

Član 3.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/15-11-7908-1/24

13. decembra 2024. godine
SarajevoGradonačelnik
Grada Sarajeva
Predrag Puharić, s. r.

Na osnovu člana 79. Statuta Grada Sarajeva ("Službene novine Kantona Sarajevo", broj 7/23), gradonačelnik Grada Sarajeva donosi

**ODLUKU
O STAVLJANJU VAN SNAGE PRAVILNIKA O
KRITERIJIMA I POSTUPKU ZA KORIŠTENJE
FINANSIJSKIH SREDSTAVA SA POZICIJE
NEPREDVIĐENI IZDACI IZ BUDŽETA GRADA
SARAJEVA KAO I PRAVILNIKA O IZMJENAMA
ISTOG**

Član 1.

Ovom odlukom stavlja se van snage Pravilnik o kriterijima i postupku za korištenje finansijskih sredstava sa pozicije nepredviđeni izdaci iz Budžeta Grada Sarajeva